

Broj: 11/05-38-sl/15  
Sarajevo, 17.06.2015. godine

## INFORMACIJA

U skladu sa Zakonom o visokom obrazovanju, Ministarstvo za obrazovanje, nauku i mlade Kantona Sarajevo je 17.06.2015. godine dalo **prethodnu saglasnost Univerzitetu u Sarajevu na objavu konkursa za upis studenata u prvu godinu I i II ciklusa studija u studijskoj 2015./2016. godini** (nakon donošenja Odluke Vlade Kantona Sarajevo o broju i strukturi studenata koji se mogu upisati u prvu godinu I i II ciklusa studija na Univerzitetu u Sarajevu u studijskoj 2015./2016. godini, Odluke Vlade Kantona Sarajevo o proširenju broja studenata koji se mogu upisati u prvu studijsku godinu I i II ciklusa studija u studijskoj 2015./2016. godini iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja i djece bez oba roditelja i Zaključka Vlade Kantona Sarajevo od 17.06.2015. godine).

Napominjemo da je Univerzitet u Sarajevu tekst konkursa sa prijedlogom plana upisa studenata u prvu godinu studija u studijskoj 2015./2016. godini na Protokol Kantona Sarajevo dostavio posljednjeg radnog dana u mjesecu maju tekuće godine (29.05.2015. godine). Ministarstvo je predmetni zahtjev obradilo i Vladi Kantona Sarajevo dostavilo u daljnju proceduru dana 10.06.2015. godine.


Takođe, Univerzitet u Sarajevu predmetni zahtjev nije dostavio u skladu sa odredbom člana 130. Statuta Univerziteta u Sarajevu kojom je utvrđeno da „...**Senat predlaže osnivaču broj kandidata koji će se finansirati iz Budžeta i broj kandidata koji će sami snosti troškove studija najkasnije do 15. aprila za narednu akademsku godinu**”.

Dinamika aktivnosti u vezi sa davanjem saglasnosti za raspisivanje Konkursa za upis studenata u prvu studijsku godinu u okviru I i II ciklusa studija u studijskoj 2015./2016. godini posljedica je neblagovremenog dostavljanja zahtjeva od strane Univerziteta u Sarajevu.

Na kraju, cijenimo potrebnim informisati javnost da je Ministarstvo 03.06.2015. godine dalo prethodnu saglasnost na objavu Konkursa za upis studenata u prvu godinu I, II i III ciklusa studija u studijskoj 2015./2016. godini na **Internacionalnom Burč univerzitetu – International Burch University**, visokoškolskoj ustanovi kao ustanovi koja je zahtjev za saglasnost Ministarstvu za obrazovanje, nauku i mlade Kantona Sarajevo dostavila 22.04.2015. godine.

**Aktivnosti u vezi sa davanjem saglasnosti na objavu konkursa za upis studenata u studijskoj 2015./2016. godini na ostalim visokoškolskim ustanovama na području Kantona Sarajevo su u toku.**

S poštovanjem,



**MINISTAR**  
**Prof. dr. Elvir Kazazović**



web: <http://www.mon.gov.ba>  
e-mail: [mon@mon.gov.ba](mailto:mon@mon.gov.ba)  
Tel: + 387 (0) 33 562-128, Fax: + 387 (0) 33 562-129  
Sarajevo, Reisa Džemaludina Čauševića 1

